


სამახსოვრო გადასატანი საარჩევნო ყუთის წამლები კომისიის წევრისთვის

განკუთვნილია იმ საარჩევნო უბნისთვის, სადაც კენჭისყრა
ელექტრონული საშუალებების გამოყენების გარეშე ტარდება



წინამდებარე რესურსი მომზადებულია
საქართველოს ცენტრალური საარჩევნო კომისიისა
და სსიპ საარჩევნო სისტემების განვითარების,
რეფორმებისა და სწავლების ცენტრის მიერ.

სამახსოვრო ინსტრუქცია წარმოადგენს დამხმარე
რესურსს კომისიის წევრის მიერ ფუნქციის
შესაბამისად ამომრჩევლისთვის კვალიფიციური
სერვისის განსახორციელებლად.

გადასათანი საარჩევნო ყუთის მეშვეობით კენჭისყრის პროცედურა იწყება კენჭისყრის დღის 09:00 საათიდან

კომისიის თავმჯდომარე, ფუნქციის შესასრულებლად გადმოგცემთ:

- ☐ დალუქულ გადასათან საარჩევნო ყუთს;
- ☐ გადასათანი საარჩევნო ყუთის სიის კომისიისთვის განკუთვნილ ვერსიას;
- ☐ ერთ-ერთი რეგისტრატორის მიერ ხელმოწერილ და ბეჭედდასმულ საჭირო რაოდენობის სამივე სახეობის საარჩევნო ბიულეტენებს (საკრებულოს პროპორციული, საკრებულოს მაჟორიტარული და მერის არჩევნებისთვის განკუთვნილი საარჩევნო ბიულეტენები);
- ☐ სპეციალურ კონვერტებს გადასათანი საარჩევნო ყუთის სიაში ამომრჩეველთა რაოდენობის შესაბამისად;
- ☐ მარკირების შესამოწმებელ ულტრაიისფერ ფარანს;
- ☐ მარკირების სითხეს;
- ☐ სანერ კალამს (გადასათანი საარჩევნო ყუთის სიაში ამომრჩევლის მიერ ხელმოწერის დაფიქსირებისა და ბიულეტენის შევსების მიზნებისთვის);
- ☐ ლითონის შემკვრელს (გამოიყენება იმ შემთხვევაში, თუ ამომრჩეველს გაუფუჭდა საარჩევნო ბიულეტენი);
- ☐ საკანცელარიო მაკრატელს (გამოიყენება საარჩევნო ბიულეტენის გაფუჭების შემთხვევაში საარჩევნო ბიულეტენზე კუთხის ჩამოსაჭრელად);
- ☐ გადასათანი საარჩევნო ყუთის ქრილის ლუქს.

გადასათანი საარჩევნო ყუთის მეშვეობით კენჭისყრის პროცედურა განახორციელეთ შემდეგი თანმიმდევრობით:

I. სთხოვეთ ამომრჩეველს წარმოგიდგინოთ პირადობის დამადასტურებელი დოკუმენტი.

ყურადღება!

ამომრჩეველი კენჭისყრაში მონაწილეობს თუ წარადგენს პირადობის დამადასტურებელ ერთ-ერთ დოკუმენტს:

- ✓ საქართველოს მოქალაქის პირადობის ელექტრონულ მოწმობას;
- ✓ საქართველოს მოქალაქის პირადობის არაელექტრონულ მოწმობას (რომელსაც არ აქვს ინფორმაციის ელექტრონული მატარებელი);
- ✓ საქართველოს მოქალაქის პასპორტს.

II. შეამოწმეთ პირადობის დამადასტურებელი დოკუმენტის მოქმედების ვადა. საქართველოს მოქალაქის პირადობის არაელექტრონული მოწ-

მოხის წარდგენის შემთხვევაში შეამოწმეთ პირადობის დამადასტურებელი დოკუმენტის გაცემის თარიღი.

ყურადღება!

თუ ამომრჩეველი წარადგენს ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მოწმობას (ძალადაკარგულია 2011 წლის 27 ივლისის ჩათვლით გაცემული არაელექტრონული მოწმობა), მას ეკრძალება კენჭისყრაში მონაწილეობა. ამომრჩეველს განუმარტეთ კენჭისყრაში მონაწილეობაზე უარის თქმის საფუძველი და მიუთითეთ, რომ კენჭისყრაში მონაწილეობის უფლება მიეცემა, თუ წარმოადგენს მოქმედ პირადობის დამადასტურებელ დოკუმენტს.

- III. მარკირების შესამოწმებელი ხელსაწყო (ულტრაიისფერი ფარანი) გამოყენებით შეამოწმეთ ხომ არ აღენიშნება ამომრჩეველს ხელზე მარკირება.



ყურადღება!

- ✓ თუ მარკირების შესამოწმებელმა ხელსაწყომ გამოავლინა, რომ ამომრჩეველს უკვე აქვს მარკირება, მას ეკრძალება კენჭისყრაში მონაწილეობა. ამომრჩეველს განუმარტეთ კენჭისყრაში მონაწილეობაზე უარის თქმის საფუძველი. ფაქტთან დაკავშირებით დაწერეთ ახსნა-განმარტება (ამომრჩეველის გადასატანი საარჩევნო ყუთის სიაში რიგითი ნომრის, სახელისა და გვარის მითითებით). ხელი მოაწერეთ დოკუმენტს თანმხლებ პირებთან ერთად (ასეთის არსებობისას).
- ✓ ამომრჩეველი, რომელსაც არ აქვს ზედა კიდურები („ფიზიკური მდგომარეობა“), არ გადის მარკირების შემოწმების პროცედურას.

- IV. შეამოწმეთ ამომრჩეველის მიერ წარდგენილ დოკუმენტში შეტანილი ამომრჩეველის სარეგისტრაციო მონაცემებისა და გადასატანი საარჩევნო ყუთის სიაში არსებული მონაცემების შესაბამისობა. მონაცემების შესაბამისობის დადასტურების შემთხვევაში, ამომრჩეველს გაუკეთეთ

მარკირება მარჯვენა ხელის ცერა ან საჩვენებელი თითის ფრჩხილზე (თუ აღნიშნული მოქმედების შესრულება შეუძლებელია – მარჯვენა ხელის სხვა თითებზე, ხოლო თუ ესეც შეუძლებელია, იმავე წესით მარცხენა ხელზე).



ყურადღება!

- ✓ მარკირების პროცედურის გავლაზე უარის შემთხვევაში, ამომრჩეველს არ აქვს კენჭისყრაში მონაწილეობის უფლება. ამომრჩეველს განუმარტეთ კენჭისყრაში მონაწილეობაზე უარის თქმის საფუძველი.
- ✓ ამომრჩეველს, რომელსაც არ აქვს ზედა კიდურები („ფიზიკური მდგომარეობა“) არ უტარდება მარკირების პროცედურა.
- ✓ მარკირება არ გამოიყენება პენიტენციურ დაწესებულებებში, საავადმყოფოებსა და სხვა სტაციონარულ სამკურნალო დაწესებულებებში (ავადმყოფების მიმართ).

- V. მარკირების პროცედურის განხორციელების შემდეგ, ხელი მოაწერეთ გადასატანი საარჩევნო ყუთის სიის სათანადო გრაფაში და მიუთითებთ ამომრჩეველს, სიაში ხელმოწერით დაადასტუროს საარჩევნო ბიულეტენის/ბიულეტენების მიღება.

ყურადღება!

თუ კენჭისყრის პროცესში გამოვლინდა, რომ ამომრჩეველმა გადასატანი საარჩევნო ყუთის სიაში ხელი მოაწერა სხვა ამომრჩეველის გვარის გასწვრივ არსებულ გრაფაში, ასეთ შემთხვევაში ამომრჩეველმა, რომლის გვარის გასწვრივ ფიქსირდება ხელმოწერა, ხელი უნდა მოაწეროს იმავე გრაფაში. ფაქტთან დაკავშირებით დაწერეთ ახსნა-განმარტება (ამომრჩეველის გადასატანი საარჩევნო ყუთის სიაში რიგითი ნომრის, სახელისა და გვარის მითითებით). ხელი მოაწერეთ დოკუმენტს თანმხლებ პირებთან ერთად (ასეთის არსებობისას).

- VI. ამომრჩეველის რეგისტრაციის პროცედურის დასრულების შემდეგ, ამომრჩეველზე გაცემი შესაბამისი სახეობის/რაოდენობის საარჩევნო ბიულეტენი და სპეციალური კონვერტი:

- ✓ თუ ამომრჩეველი მონაწილეობს მერის, საკრებულოს პროპორციულ და მაჟორიტარულ არჩევნებში, გაეცით სამივე სახეობის საარჩევნო ბიულეტენი;
- ✓ თუ ამომრჩეველი მონაწილეობს მხოლოდ მერის და საკრებულოს პროპორციულ არჩევნებში, გაეცით მხოლოდ შესაბამისი სახეობის ორი საარჩევნო ბიულეტენი;
- ✓ თუ ამომრჩეველი მონაწილეობს მხოლოდ საკრებულოს პროპორციულ არჩევნებში, გაეცით მხოლოდ შესაბამისი სახეობის ერთი საარჩევნო ბიულეტენი.

ყურადღება!

გადასატანი საარჩევნო ყუთის სიაში რეგისტრირებული ამომრჩევლისთვის, შესაბამისი სახეობის არჩევნების მიხედვით გადასაცემი საარჩევნო ბიულეტენების რაოდენობის დადგენის მიზნით, იხელმძღვანელებთ სიაში ამომრჩევლის მონაცემების გასწვრივ გრაფაში მითითებული ინფორმაციით.


VII. ამომრჩეველს განუმარტეთ საარჩევნო ბიულეტენის/ბიულეტენების შევსების წესი:

განმარტება ამომრჩევლისთვის, რომელიც მონაწილეობს სამივე სახის არჩევნებში (საკრებულოს პროპორციული, საკრებულოს მაჟორიტარული და მერის არჩევნები), ან ორი სახის არჩევნებში (საკრებულოს პროპორციული და მერის არჩევნები):



„ხმის მისაცემად თითოეული სახეობის საარჩევნო ბიულეტენში შემოხაზეთ თქვენთვის სასურველი მხოლოდ ერთი საარჩევნო სუბიექტის გასწვრივ მითითებული რიგითი ნომერი. შევსების შემდეგ საარჩევნო ბიულეტენები გადაკეცეთ ისე, რომ არ ჩანდეს თქვენ მიერ გაკეთებული არჩევანი. ფარული ხმის მიცემის კაბინიდან გამოსვლის შემდეგ, დაკეცილი საარჩევნო ბიულეტენები თავადვე მოათავსეთ სპეციალურ კონვერტში და ჩააგდეთ გადასატან საარჩევნო ყუთში.“

განმარტება ამომრჩევლისთვის, რომელიც მონაწილეობს მხოლოდ ერთი სახის არჩევნებში (საკრებულოს პროპორციული არჩევნები):



„ხმის მისაცემად საარჩევნო ბიულეტენში შემოხაზეთ თქვენთვის სასურველი მხოლოდ ერთი საარჩევნო სუბიექტის გასწვრივ მითითებული რიგითი ნომერი. შევსების შემდეგ საარჩევნო ბიულეტენი გადაკეცეთ ისე, რომ არ ჩანდეს თქვენ მიერ გაკეთებული არჩევანი. ფარული ხმის მიცემის კაბინიდან გამოსვლის შემდეგ, დაკეცილი საარჩევნო ბიულეტენი თავადვე მოათავსეთ სპეციალურ კონვერტში და ჩააგდეთ გადასატანი საარჩევნო ყუთში.“

VIII. მას შემდეგ, რაც ამომრჩეველი სპეციალურ კონვერტში მოათავსებს შევსებულ საარჩევნო ბიულეტენს/ბიულეტენებს, გახსენით საარჩევნო ყუთის ჭრილი და მოუთითეთ ამომრჩეველს, ხმის მიცემისთვის განკუთვნილ სპეციალურ კონვერტში ჩაუშვას მასში.

ყურადღება!

- ✓ თუ ამომრჩეველს არ შეუძლია საარჩევნო ბიულეტენის დამოუკიდებლად შევსება, მას უფლება აქვს, დასახმარებლად მიიწვიოს ნებისმიერი პირი, გარდა საარჩევნო კომისიის წევრისა, კანდიდატისა, საარჩევნო სუბიექტის წარმომადგენლისა, პრესისა და მასობრივი ინფორმაციის სხვა საშუალებების წარმომადგენლისა და დამკვირვებლისა.
- ✓ თუ ამომრჩეველს გაუფუჭდა საარჩევნო ბიულეტენი ან სპეციალური კონვერტი, ამომრჩეველს შეუცვალეთ გაფუჭებული საარჩევნო ბიულეტენი/სპეციალური კონვერტი ახლით. ამომრჩეველის თანდასწრებით, გაფუჭებული საარჩევნო ბიულეტენი დაკეცეთ იმგვარად, რომ შეუძლებელი იყოს საარჩევნო სუბიექტების დანახვა, გადაკეცილი საარჩევნო ბიულეტენი დაამაგრეთ ლითონის შემკვრელით, ჩამოაჭრით კუთხე, დაანერეთ „გაფუჭებულია“ და მოაწერეთ ხელი.

რა უნდა გაითვალისწინოს გადასატანი საარჩევნო ყუთის ნაშლამაჰ კომისიის წევრმა ფუნქციის შესრულებისას:

თუ გადასატანი საარჩევნო ყუთით ხმის მიცემის პროცესზე დაკვირვების უფლების მქონე პირების მხრიდან ვლინდება შემთხვევები, როგორიცაა: კომისიის წევრის საქმიანობაში ჩარევა; ამომრჩეველთა ნების თავისუფალ გამოვლენაზე გავლენა; აგიტაცია; ამომრჩეველისთვის პირადობის

დამადასტურებელი დოკუმენტის გამორთმევა/ჩვენების მოთხოვნა/ფოტოვიდეო-გადაღება ან სხვაგვარი დამუშავება; გადასატანი საარჩევნო ყუთის სიაში ამომრჩევლის მონაცემების და ამომრჩევლის მიერ საარჩევნო ბიულეტენზე გაკეთებული არჩევანის ფოტოვიდეოგადაღება ან სხვაგვარი დამუშავება - მოახდინეთ მყისიერი რეაგირება, მიუთითეთ დამრღვევს ალკვთოს კანონსაწინააღმდეგო ქმედება და ფაქტთან დაკავშირებით აცნობეთ კომისიის თავმჯდომარეს.

გადასატანი საარჩევნო ყუთის მეშვეობით კენჭისყრის პროცედურა სრულდება 19:00 საათზე

გადასატანი საარჩევნო ყუთის მეშვეობით კენჭისყრის პროცედურის დასრულების შემდეგ, დაუყოვნებლივ ილუქება საარჩევნო ყუთში საარჩევნო ბიულეტენების ჩასაგდება ჭრილი.

ყურადღება!

თუ გადასატანი საარჩევნო ყუთის ლუქის მთლიანობა დაირღვა, გადასატანი ყუთის წამლებმა კომისიის წევრებმა დაუყოვნებლივ უნდა აცნობოთ კომისიის თავმჯდომარეს, შეადგინოთ ახსნა-განმარტება მიზეზის მითითებით და ხელი მოაწეროთ თანმხლებ პირებთან ერთად.

გადასატანი საარჩევნო ყუთი საარჩევნო უბანზე უნდა დაბრუნდეს არაუგვიანეს 20:00 საათისა

კენჭისყრის შენობაში დაბრუნების შემდეგ საუბნო საარჩევნო კომისიის მდივანს გადაეცით:

- ✓ გამოუყენებელი საარჩევნო ბიულეტენები (ასეთის არსებობისას);
- ✓ გაფუჭებული საარჩევნო ბიულეტენები (ასეთის არსებობისას);
- ✓ გამოუყენებელი სპეციალური კონვერტები (ასეთის არსებობისას);
- ✓ გადასატანი საარჩევნო ყუთის სია.

კომისიის მდივანი შეამოწმებს გადასატანი ყუთის სიაში არსებული ხელმოწერების, გამოუყენებელი ან/და გაფუჭებული საარჩევნო ბიულეტენების რაოდენობის სისწორეს. უზუსტობის აღმოჩენის შემთხვევაში უნდა დაწეროთ ახსნა-განმარტება მიზეზის მითითებით. ახსნა-განმარტებაში ასახული მონაცემები, გაითვალისწინება კენჭისყრაში/არჩევნებში მონაწილე ამომრჩეველთა რაოდენობის დადგენისა და კენჭისყრის შედეგების შემოჯამებული ოქმების შედგენის მიზნებისთვის.

